

Årsmelding Vestre Slidre Historielag for 2023

Styret Leiar: Ingebjørg Moe, Nestleiar: Ola Jørgen Fauske, Kasserar: Anna Kristine Hodne, Skrivar: Vibeke Funder, Styremedlemmer: Odd Kolbjørnshus, Eivind Brenna, Kari Johne, Gullik Stee

Turnemd: Finn Helge Lyster og Elisabeth R. Dahl, Revisor: Gunnar Hamre

Valnemd: Ole Rosendal, Aslag Hamre

Styremøter Vi har hatt åtte styremøter, der vi har handsama 37 saker Møtestad stort sett, Kulturkafeen Slidre

Årsmøtet var 02.03.2023 på Kulturkafeen Utanom styret var det 13 tilstades Eivind Brenna orienterte om 1000års jubileet (Innføring av kristendomen), Kim og Martin, våre unge, gode toraderspelar, sto for underhaldninga.

Årsmelding og rekneskap godkjent Det vart gjort vedtak på å gje Slidredomboka som gåve til konfirmantane og at styret skulle laga arbeidsplan og arbeide med medlemsverving. Årsmøtet fekk servert kaffi og god kringle frå Laila

1000årsjubileet «Valdres i 1000 år»

Historielaget var aktivt med i planlegging av jubileet og heile året har vore prega av planlegging til den store 1000årmarkeringa, hovudmarkeringa for heile Valdres, som var 29. juli i Slidre ved Slidredomen. Det vart velykka! Alt klaffa, til og med veret var Fantastisk! Historielaget hadde ansvar for aktivitet og utstillingar rundt kyrkja og i og ved prestegarden og var med på dugnad ved matserveringa.

Eivind Brenna var prosjektleiar for heile prosjektet «Valdres i 1000 år»

Årsmøtet Valdres historielag i Vang Odd og Ingebjørg var utsendingar

Medlemsmøtet Gjennomførte medlemsmøte på Kulturkafeen 30. november Arne Erik Fønhus ga oss eit interessant, lærerikt og spanande foredrag om Skogbruketets historie i Valdres. 25 tilstades.

Fystrokyrkjemesse var 02. juli Det regna, så messa vart innandørs hjå Eline og Øyvind Denne gongen var Røn sokneråd saman med oss med ekstra traktering som ei markering av 1000års jubileet. Historielaget har planer om å få opp ei ifotavle ved kyrkjestaden.

Planlagt tur til Hans Børlidagane 4. og 5. juni vart utsett

Den lange turen gjekk i år til Oslo 1. – 3. sept. med 40 deltakarar.

I Olav Haraldssons fotspor 10. august Rundtur i Valdres med Jahn Børe Jahnsen som turleiar, var vi innom mange Olavsminne frå Vang til Sør Aurdal. Vi inviterte på lunsj ved Tingsteinen Slidrefjorden og Slidre synt seg frå si beste side når det gjalt ver og vind. Dette og som ein del av 1000års markeringa.

Lokalhistorisk tur for skuleklasse. Historielaget har i år som mange år før, invitert 8. klasse på Vestre Slidre skule til Historietur med buss og Jahn Børe som guide Slidre skule har teke denne kulturturen inn i årsplana si. Denne gongen var det Historielaget som betalde heile turen Dette og som ein del av 1000års markeringa denne gongen.

Boklageret vart fløtt til Røn gamle skule i juni 2022 og er der på loftet.

Sumarope i Slidredomen 28. juni tom 10. august. Medlemmer av historielaget, pensjonistlaget og Sanitetsforeininga var vakter to dagar i veka. God tilbakemelding.

Tunet i Plassen med stogo, stabbur og låve. Nytt sjukeheimsbygg treng meir plass Historielaget engasjerar seg i å bevare mijøet ved at dei gamle husa får stå. Godt samarbeid med Odd Arne Rudi frå Valdresmusea. Også engasjement frå avisa Valdres. Saman med dei jobba vi for å bevare den gamle fine låven, men måtte gje tapt. Låven vart solgt til ein som vil setja den oppatt på ein ny plass. Bra at den blir bevart!

Sametuftene på Rensenn Kommuna, Fjellstyret og Historielaget fekk i oppdrag frå **SAMETINGET** å gjera sametuftene ved Rensenn meir synlege. Historielaget fekk ansvar for skilting, utebord og bål plass som vi er godt i gang med. Sametinget finansierar heile saken. Innvinging 8. september 2024

Krigshistorisk landskap Odd, Ola Jørgen og leiar deltok på eit møte i Aurdal historielag.

Medlemmer I 2023 var vi 60 medlemmer i Vestre Slidre historielag

*Takk for godt samarbeid i året som gjekk. Eg ser fram til oppgåvene i 2024
Viken, 06.03. 2024 - Ingebjørg Moe, leiar*